

Peb nyiam lub neej thiab cov huab cua nyob Queensland heev. Tiam si, tej teeb meem ntuj ua kuj muaj yam yus thaiv tsis tau xws li cua daj cua dub, nag xob nag cua thiab dej nyab. Keeb kwm tau ua peb pom lawm tias peb yuav nyob twj ywm tos cov teeb meem no tsis tau.

Kav tsij muab sij hawm los npaj tos tej teeb meem ceev no xws li:

Peb kav tsij muab sij hawm los npaj tos tej xwm ceev no xws li:

- Npaj Txojkev daws teebmeem (emergency plan) thaum muaj xwm ceev cia.
- Npaj lub thawv daws xwm ceev (emergency kit) thiab
- Npaj txojkev tu yus lub tsev (home) cia.

Cov hauj lwm yooj yim nos yuav pab koj npaj kom dim txoj siav thiab kom tsis raug teeb meem loj yog muaj xwm puas tsuaj ntuj ua.

Lub sij hawm zoo tshaj plaws uas yuav los npaj koj lub tsev mas yog ua ntej nag xob nag cua, cua daj cua dub thiab lub caij ntuj-nag.

Ntawm no yog ib cov tswv yim uas yuav pab tau koj npaj koj lub tsev thiab cuab yeej tuam txeeem kom piam tsawg.

1. Tu koj tej vaj tsev

- Txheeb-xyuas saib lub tsev cov vuas thiab txhim-kho cov vuas tsis zoo, tej qab taw ru tsev (eaves) thiab tej vuas tej ntsia hlau kom khov;
- Ntxuav tej ciav-dej, raws tej taw-vuas thiab cov ciav-dej cug dej nag kom dej ntwm tawm sai.
- txiav tej ntoo thiab tej ceg uas dauv los npog tsev; thiab
- Khaws tej xim khoom nyob ncig vaj tsev kom txhob ya mus tsoo dab tsi thaum cua hlob loj tuaj (yam li rooj tog hauv vaj thiab me nyuam tej khoom ua si).

2. Npaj lub tsev txhua yam tos

- Txheeb-xyuas saib koj puas muaj insurance txaus rau lub tsev, khoom vaj khoom tsev thiab tsheb – xyuas koj tus policy saib puas muaj qhov pab khaws tej khoom sw mus pov tseg.
- Xyuas saib chav tsev twg khov tshaj plaws hauv koj lub tsev, tsam koj yuav tau nrhiav chaw nkaum thaum nag xob nag cua los yog cua daj cua dub tuaj. Feem ntau mas yog chav tsev ua me tshaj hauv koj lub tsev thiab tsis muaj qhov rais ntau;
- Xyuas saib koj qhov chaw tua dej, hluav taws xob thiab roj cua (gas) nyob qhov twg; thiab
- Yuav tej yam tseem ceeb uas yuav siv thaum muaj teeb meem ceev los cia ncaj ke, xws li:
 - Npaj Thoob los ntim dej haus,
 - Npaj Roj av los siv rau koj lub tsheb (muab khaw cia rau thajchaw kom tsis muaj kev nyab xeeb dab tsi),
 - Npaj Ntaub nplaum dav cia tau lo qhov rais, thiab
 - Npaj Hnab tsaj thiab xuab zeb los ntim ua hnab cia txhaws tej qhov dej kom tej dej qias neeg tsis txhob txeeem rov tuaj thaum dej nyab.

3. Yog koj nyob thaj tsam ib sij muaj dej nyab:

- Muab tej tshuaj lom (poisons) cia saib tshaj hauv pem teb tsam muaj dej nyab ceev los.
- xyuas saib yam khoom hauv tsev twg yuav tau muab cia saib los yog muab hliv pov tseg yog dej yuav los nyab koj lub tsev; thiab
- Txheeb-xyuas tej yam li nram qab no:
 - Xyuas cov khoom siv pua tsev/pua hauv pem-teb,
 - muab tej qhov hluav taws xob tshem cia rau qhov chaw saib tshaj hauv pem teb.

4. Yog koj nyob rau thaj tsam uas muaj cua daj cua dub los yog nag xob nag cua loj:

- Yuav cov thaiv qhov-rais (shutters) los thaiv pab ntxiv thaum cua hlob heev tuaj; thiab
- Hu cov neeg ua tsev tuaj xyuas koj lub tsev thiab tshawb-nrhiav tswv yim los pab txhim-kho kom koj lub tsev ruaj ntxiv thiaj tiv thaiv tau cua hlob loj.

5. Thaum nom tswv tshaj tawm txog cua daj cua dub or yog nag xob nagcua loj:

- Tua txhua yam khoom siv hluav taws xob thiab cov pas txais tv thiab xov tooj cua nyob nraum zoov;
- Tua cov chaw qhib hluav taws xob thiab roj cua thaum cov tub tswj teeb meem ceev hais kom ua;
- Khi rooj tog nraum zoo thiab hauv vaj;
- Tso dej kom puv rau hauv tej thoob thiab dab da-dej nyob tsam dej tus ces tsis muaj dej siv;
- Kaw tej qhov rais siv cov npog qhov dais hlau (shutters), muab ntaub nplaum khov khov lo kom sib cuam thiab rub tej ntaub npog qhov dais rau;

- Nre tej tsheb rau hauv tej chaw muaj ruv npog, deb ntawm tej ntoo, hlua hluav taws xob thiab kwj deg;
- Yog tsis muaj tsev cia tsheb ces thaum ntuj los-lawg, koj yuav tau muab pam los khi npog lub tsheb kom ruaj xwv lawg thiaj tsis poob los tsoo tsheb;
- Txheeb xyuas saib koj tsev neeg txhua tus puas nyob tsis raug xwm dab tsi thiab nkaum hauv chav ruaj tshaj hauv tsev;
- Nqa koj lub thawv ntim cov khoom tseemceeb (Emergency Kit) nrog koj thaum koj khiav mus nkaum nag xob nag cua los yog cua daj cua dub; thiab
- Mloog xov tooj cua ntawm koj thaj tsam kom paub xov xwm tshiab txog qhov teeb meem ceev ntawd thiab tej lus ceeb toom kev kab ntsab txhua yam.

nco ntsoov hais tias

Npaj koj lub tsev tos yog ib ruam tseem ceeb ua kom koj tsev neeg ceev faj, dim txoj sia thiab paub daws txhua yam teeb meem ceev (emergencies).

Daim ntawv no yog ib txojkev qhia zoo thiab qhia txog cov ntsaib lus xwb. Lub Tsev Department of Emergency Services, Emergency Management Queensland and the State Emergency Service yuav tsis leev lav them ib yam dab tsi rau ib tus neeg twg yog tus ntawd tau kev piam sij los puas tsuaj (suav nrog kev piam tawm tom qab tuaj), kev raug-mob uas tshwm sim ncaj-raim losyog tsis ncaj los ntawm cov ntsaib lus kev qhia uas tau teev nyob rau hauv daim ntawv no.

Yog xav paub ntxiv txog txojkev npaj thaum muaj xwm ceev, mus hauv www.disaster.qld.gov.au